

**J.P. MEĐUNARODNI AERODROM "SARAJEVO" D.O.O.**

Kurta Schorka 36, 71210 Sarajevo, Bosna i Hercegovina

Registrovano kod: Općinski sud Sarajevo, MBS 65-01-0419-11, JIB 4200068970001, Carinski broj: 200068970001
RACUN: 3387302205238447, UniCredit banka d.d. Mostar, BiH

Vrsta dok.	Izdavač	RB
DOP	5 01	3803

Strana:
1 od 1

Broj protokola: 05-1-25-1-929-17/25

JAVNO

DATUM: 23.06.2025. godine**PRIMALAC:**

- FRIGOTERM d.o.o. Mostar
- SISTEM-FRIGO d.o.o. Kiseljak

PREDMET: Obavijest o izboru najpovoljnije ponude u postupku nabavke robe:

- Rashladna komora

VEZA: Naš broj: 929/25

Poštovani,

na osnovu člana 71. Zakona o javnim nabavkama ("Službeni glasnik BiH", broj 39/14, 59/22 i 50/24), a nakon okončane procedure prikupljanja ponuda za nabavku robe: Rashladna komora, provedene metodom Konkurentski zahtjev za dostavljanje ponuda, obavještavamo vas da je Odlukom Uprave J.P. Međunarodni aerodrom "SARAJEVO" d.o.o. Sarajevo, koja vam se dostavlja u prilogu, kao najpovoljnija, odnosno jedina prihvatljiva, ocijenjena ponuda ponuđača FRIGOTERM d.o.o. Mostar.

S poštovanjem,

v. d. DIREKTOR-a

Sanin Ramezić


Prilog: Odluka o prihvatanju ponude;

DOSTAVLJENO:

1. Ponuđaču
2. Upravi Društva
3. Sektoru za administrativnu podršku
4. a/a



	Tel	Fax	E-mail
INFORMACIJE	+387/ 33/ 289 100	+387/ 33/ 289 356	info@sarajevo-airport.ba
DIREKCIJA	+387/ 33/ 289 200	+387/ 33/ 289 201	direkcija@sarajevo-airport.ba
OPERATIVNI CENTAR	+387/ 33/ 289 120	+387/ 33/ 766 841	opco@sarajevo-airport.ba
WEB	www.sarajevo-airport.ba		





Vrsta dok.	Izdavač
ODL	5-01
Strana: 1 od 2	
JAVNO	

UPRAVA

Broj protokola: 05-1-25-1-929-16/25

Datum: 23.06.2025. godine

Na osnovu člana 70. Zakona o javnim nabavkama („Službeni glasnik BiH“, br.: 39/14, 59/22 i 50/24), člana 25. Pravilnika o javnoj nabavci roba, usluga i radova u J.P. Međunarodni aerodrom „SARAJEVO“ d.o.o. Sarajevo, čl. 45. i 48. Statuta J.P. Međunarodni aerodrom „SARAJEVO“ d.o.o. Sarajevo, te na osnovu Izvještaja i preporuke Komisije za provođenje postupka javne nabavke robe: Rashladna komora, broj: 05-3-25-1-929-15/25 od 20.06.2025. god., v.d. direktora J.P. Međunarodni aerodrom „SARAJEVO“ d.o.o. Sarajevo donosi

ODLUKU

I

Za nabavku robe: Rashladna komora, prihvata se ponuda ponuđača FRIGOTERM d.o.o. Mostar, broj: 121-2/25, zavedena na protokol J.P. Međunarodni aerodrom „SARAJEVO“ d.o.o. Sarajevo dana 11.06.2025. god., pod brojem: 03-4-25-1-929-6/25, po cijeni za predmetnu nabavku u iznosu od: 9.400,00 KM (slovima: devethiljadaičetristo KM), bez PDV-a.

II

Izabrani ponuđač je, u roku od sedam radnih dana od dana prijema Obavijesti i ove Odluke o prihvatanju ponude, dužan u J.P. Međunarodni aerodrom „SARAJEVO“ d.o.o. Sarajevo dostaviti originale ili ovjerene fotokopije dokumentacije iz člana 45. Zakona o javnim nabavkama, u skladu sa dostavljenom Izjavom, ne starije od 90 dana od dana dostavljanja ponude.

III

Po proteku rokova za reviziju, a uz prethodnu dostavu dokumentacije iz tačke II, Naručilac će izabranom ponuđaču ponuditi zaključenje ugovora o nabavci iz tačke I ove Odluke, kojim će se regulisati međusobna prava i obaveze ugovornih strana u vezi sa predmetnom nabavkom.

Obrazloženje

Postupajući u skladu sa članom 18. Zakona o javnim nabavkama, a u cilju izbora najpovoljnije ponude za nabavku robe: Rashladna komora, v.d. direktora J.P. Međunarodni aerodrom „SARAJEVO“ d.o.o. Sarajevo je dana 27.05.2025. godine donio Odluku o pokretanju postupka nabavke, broj: 05-3-25-1-929-3/25, a Rješenjem, broj: 05-1-25-1-929-5/25 od 05.06.2025. godine, imenovao je i Komisiju za provođenje postupka predmetne nabavke. U skladu sa navedenom Odlukom, J.P. Međunarodni aerodrom „SARAJEVO“ d.o.o. Sarajevo (u daljem tekstu: Društvo) je na Portalu javnih nabavki dana 27.05.2025. godine objavilo obavještenje o nabavci, broj: 246-7-1-366-3-112/25. Do ostavljenog roka za predaju ponuda, 12.06.2025. godine, na protokol Društva ponudu su dostavila 2 (dva) ponuđača, i to: FRIGOTERM d.o.o. Mostar i SISTEM-FRIGO d.o.o. Kiseljak. Na javnom otvaranju ponuda, održanom isti dan u 12:30 sati, bez prisustva predstavnika ponuđača, pročitani su nazivi ponuđača i ponuđene cijene, i to:

- FRIGOTERM d.o.o. Mostar, vrijednost ponude u iznosu od 9.400,00 KM, bez PDV-a,
- SISTEM-FRIGO d.o.o. Kiseljak, vrijednost ponude u iznosu od 9.980,00, bez PDV-a.

Nakon javnog otvaranja ponuda, Komisija se sastala radi njihove detaljne analize, te je pregledom i analizom ponuda utvrdila sljedeće:

- FRIGOTERM d.o.o. Mostar

Nakon pregleda ponude u skladu sa članom 65. stav (1) Zakona o javnim nabavkama, a imajući u vidu da ponuda ispunjava sve što je zahtijevano tenderskom dokumentacijom, Komisija je ovu ponudu ocijenila formalno-pravno, tehnički i računski ispravnom, odnosno pravilnom i prihvatljivom.

- SISTEM-FRIGO d.o.o. Kiseljak

Prilikom detaljnog pregleda ponude, Komisija je konstatovala da ponuđač nije pripremio ponudu u skladu sa odredbama Zakona o javnim nabavkama, jer su određene stranice ponude ispravljane upotrebom korektora, pri čemu su prethodni podaci trajno uklonjeni, a novi podaci nisu potpisani niti datirani od strane ovlaštenog lica ponuđača. Konkretno u pitanju su stranice ponude 5-12, 17-25, i 27-33.

Napominjemo da su, u skladu sa članom 18. stav (1) tačka m) Uputstva za pripremu modela tenderske dokumentacije i ponuda („Službeni glasnik BiH“, br. 90/14 i 20/15), sve ispravke koje se unesu u ponudu (uključujući numeraciju stranica) dozvoljene isključivo ukoliko su:

Vrsta dok.	Izdavač
ODL	5-01
Strana: 2 od 2	
JAVNO	

- vidljive (tj. da se može nedvosmisleno utvrditi prethodni sadržaj),
- potpisane od strane ponuđača i
- jasno datirane.

Ispravke u predmetnoj ponudi ne ispunjavaju ni jedan od navedenih formalnih zahtjeva, što je dodatno potvrđeno i u više rješenja Ureda za razmatranje žalbi BiH (npr. JN2-01-07-1-803-8/17, JN2-02-07-1-628-6/17 i dr.), u kojima je jasno zauzet stav da se ponude koje sadrže ispravke bez potpisa i datuma smatraju neprihvatljivim.

Dalje, uvidom u dostavljenu tehničku dokumentaciju utvrđeno je da ponuda ne ispunjava tehničke zahtjeve definisane u ANEKS-u VI „Tehnička specifikacija“, i to u sljedećim stavkama:

- rashladna komora dimenzija 2500x4000x2200 mm u plusnom režimu od 0–4°C (dopušteno odstupanje $\pm 5\%$): nisu navedene konkretne dimenzije komore, već isključivo dimenzije panela, što onemogućava provjeru usklađenosti sa traženim;
- vrata okretna-frigo 800x1900x80 mm ($\pm 5\%$): nisu navedeni podaci o ovoj stavci u tehničkoj dokumentaciji;
- rashladni isparivač Sarbuz ili ekvivalent, rashladne snage 3 kW pri isparavanju -10°C sa elektrogrijačima ($\pm 5\%$): nisu precizirani podaci kojima bi se potvrdilo da ponuđeni uređaj ispunjava tražene tehničke karakteristike.
- rashladni motor u kompaktnoj izvedbi sa svim pripadajućim dijelovima (Cubigel ili ekvivalent), snage 3 kW pri isparavanju -10°C i kondenzaciji 40°C, montiran na vanjski pocinčani nosač ($\pm 5\%$): nisu precizirani podaci kojim bi se potvrdilo da ponuđeni uređaj ispunjava tražene tehničke karakteristike;
- opšavne i sanitarne lajsne: nisu navedeni podaci u tehničkoj dokumentaciji koji bi potvrdili ispunjavanje traženog;
- elektro ormar sa digitalnim upravljačem, osiguračima i zaštitnim sklopkama: nisu navedeni podaci u tehničkoj dokumentaciji koji bi potvrdili ispunjavanje traženog;
- rasvjeta vodotijesna 1x36W ($\pm 5\%$): nisu navedeni podaci u tehničkoj dokumentaciji koji bi potvrdili ispunjavanje traženog.

S obzirom na naprijed navedeno, Komisija je ovu ponudu, na osnovu člana 2. stav (1) tačka I) i člana 68. stav (4) tačka i) Zakona o javnim nabavkama, ovu ponudu ocijenila kao nepravilnu i neprihvatljivu.

Imajući u vidu da je u ovom postupku javne nabavke zaprimljena samo jedna prihvatljiva ponuda, e-aukcija, koja je bila predviđena u ovom postupku javne nabavke, nije održana.

S obzirom na naprijed navedeno, Komisija je utvrdila da je najpovoljnija, a ujedno i jedina prihvatljiva ponuda za nabavku predmetne robe ponuda ponuđača FRIGOTERM d.o.o. Mostar, te je u svom Izvještaju, 05-3-25-1-929-15/25 od 20.06.2025. god., predložila v.d. direktora Društva da se ugovor za nabavku robe: Rashladna komora, u ponuđenoj vrijednosti od 9400,00 KM, bez PDV-a, dodijeli ovom ponuđaču.

V.D. direktora Društva je razmotrio predmetni Izvještaj i preporuku Komisije, te je, nakon uvida u provedeni postupak, istu i prihvatio, pa je, na osnovu člana 70. Zakona o javnim nabavkama, a u vezi sa članom 25. Pravilnika o javnoj nabavci roba, usluga i radova u Društvu, donio Odluku kao u dispozitivu.

POUKA O PRAVNOM LIJEKU: Protiv ove Odluke može se izjaviti žalba Uredu za razmatranje žalbi. Žalba se podnosi putem ugovornog organa - Društva, u pisanoj formi, direktno, elektronskim putem ili preporučeno poštanskom pošiljkom, u 3 (tri) primjerka, i to u roku od 5 (pet) dana od dana prijema Odluke.

v.d. DIREKTOR-a

Sanin Ramezić

Prilog: Zapisnik o pregledu i ocjeni ponuda;

DOSTAVLJENO:

1. Ponuđačima
2. Upravi Društva (orig.)
3. Sektoru za administrativnu podršku
 - Služba nabavke (orig.)
 - Služba za pravne poslove i protokol
4. a/a